

古籍

佚書拾存

捌

北京圖書館出版社

宋莊一從和守黃職職人
 善書海內書錄行不三載
 相繼刊諸其人聲顯一時
 官亦以清操著行三載則
 除以大直計自是無與倫
 比而風乎然從後多上其
 策則德世所也其後則也



殷夢霞 王冠 選編

古籍佚書拾存

捌

北京圖書館出版社

第八冊目錄

佚存叢書(七)		一
佚叢甲集		二〇三
輯佚叢刊		五二三

景文宋公集卷第一百十八

原本卷首
三頁佚

啟狀

代王相公

漢風隆洽宗臣遂萬物之宜晉道宣臻綿寓無窮人
之諺蓋所以恢明職業暉潤典彝俾百度以惟貞靡
一夫之不獲然後翊巖廊之景化贊法座之鴻樞寅
亮懿綱緝熙醴嘏撫辰疑績冠茂伐於人彝宅揆奮
庸飛淑聲於帝載永言休範宜屬洪鈞恭惟某官日
域靈輝天球瑞質粹儀霞舉會筌宰之昌期偉量淵
淳稟天人之先覺夙蹈凝嚴之地亟推渥縟之私建

茲議以朝熙舒懿文而麗國論思東序先賈誼以受
釐開宴西清化倪寬之上壽自邇彌綸庶務叶贊宗
工潤綠詔之溫純參黃扉之宥密出驅元乘慕談笑
而卻軍入奏青規用春秋而繩下茂勲舉集景眄荐
隆旋以國家上聖凝圖虛皇委覽紫清之誨延密論
於眞官綠錯之文委鴻禧於命曆寢尋墜典茂建宏
猷追上世之登閣講鴻儀於希闊天壇祕牒檢玉以
升中汾曲隆睢塋繒而報厚申明絕業祇答上靈矧
復整仙輶以時巡款剏壇而順拜鬱華之館緬想於
道眞藝祖之區誕頒於侯度宣恩羨溢紀瑞殊尤乃

至真馭下臨聖衷登格珠宮寶地巖蠖濩之珍祠琅
簡雲章薦厖鴻之不構並繫碩畫交展縟儀至於約
鳥策之舊章紬鴻都之秘記搜遺冢壁大備於討論
增絢緹紬動臻於良直裁成大典昭示方來以至按
瑞謀之著明測祥源之易奕上窮真系憬集珍文賁
紫宙之奧符紀翠嫵之元命再刊青簡分秘殊庭斯
並發自訐謨騰爲穆頌鏤于琬琰充入金匏果膺揆
路之求荐正星階之位咸事九德掩臯陶之矢謨不
出十年邁樂安之故事民瞻式係天眷日躋凡該動
植之流盡被陶鎔之化竊念某蠢冥有素優仕無聞

濫巾綿絕之司遙乏華纓之列飲冰受命夙畏於簡
書越俎代庖敢踰於官守徒以幼屬垂鴻之運長推
延世之恩進懼食浮中疲智効延年斟酌寧有合於
當時潘岳拙艱本無裨於巧宦泊膺明命出掌關征
策驚筋十駕之勞勵鉉銛一割之用求大夫之仁義
方冀飭躬論文學之銅鹽未能卒業旋屬庭闈失養
怙恃纏悲對風樹以長號撫垓蘭而永想九回結欬
慨無嗣於弓裘十死茹辛幸未先於犬馬逮喪除之
云畢復譏賦而是司權貨殖之耗登謹簿書之出納
雖復激昂單惠訂正舊章犯慮裝懷盡分於節目展

體率職無潤於脂膏期王事之有終誓詩人之盡瘁
然念物情素定固耿介以難移吏道寔繁豈姿材之
可學甫終考績粗免曠官効方朔以上書徒取恢諧
之誚慕子眞而乘傳更懷孤遠之慙重念先君侍郎
早接遊從豫聞風義趨平津之閣款睥有加託趙氏
之孤緒言多在遽遺淪裔上惻鴻私俾餘構之未隳
實休光而是賴而又質方違願祿縻代耕素衣已化
於京塵雪履將穿於車府先疇遷貿曾無平子之田
叢質支離屢緩休文之帶苟媒銜自逃於醜行則再
三奚決於蒙亨伏望某官鄒律融春傳川借潤辨頑

金之自躍許蟠木之先容特拯迷途俯矜舊物憫周
南之顧託軫江左之流離雖鱗鱗並逃寧虛於漢罟
而牛羊無擇何間於齊仁激波儻化於海淮伏卵庶
求於時夜願著靡捐之効少酬全度之恩過此以還
未知攸措

上江提刑

矯廷佐治臯陶爰作宥刑周室移風姬旦乃求中典
皆欲裁成經制丕奉珍圖闡熙洽之洪猷賁清寧之
景運是以五刑之宅期至於無刑三刺之文僉同於
羣吏聿垂懿範昭著方來而中代已還淳風不競作

僕區之法始自於諸侯鑄刑鼎之書寢興於叔世重
輕交失抗敝乃多無鈞金束矢之平有絕澗游禽之
刺至乃秦脂疑密窮十失於隆刑漢網恢疎約三章
於愿法飈流旣異公革靡常逮夫王道下衰憲綱增
縛前律後疏漸紊於常經倦令敝民罕躋於鴻化道
無終否聖乃嗣興國家撫五代之遺黎開九皇之真
系交張治具燮定元基刑屬三千緬追於遐武號居
十二永念於懿綱適底剏之繁文重齋居之移讞湯
網屢祝犯命而乃誅堯屋戴封畫冠而知禁然猶念
綿區之至廣愍昭憲之未孚臨遣信臣按行列郡片

言而折許龔遂之便宜露板以聞用田仁之刺舉導
迎寬政宣布湛恩苟非冠績吏師騰英朝美攬轡負
澄清之志奏刀揚砮騶之聲則何以佐山甫之將明
副重華之欽卹定國之持獄自以不寃宣尼之聽民
可使無訟永言宸睠是屬正人恭惟某官日域凝華
仙莖宅粹六世冠冕盛南國之道風十紀羽儀有西
京之世德英聲煥發懿實流聞早推射策之功亟奉
牽絲之寵優游七列蹈勵凝猷御珍駕以駿奔羽倉
垠而上擊分麾使竹允著於循良掌籍道山載加於
紉繹旋屬近臣慰薦清閑疇咨定漢絕於一王慰周

行於三署問鬼神於前席方慶受輦儼車服於私庭
更旌稽古寵章彌渥嘉績荐凝瞻言全楚之區夙重
輶軒之寄賦輿錯出法敝於誅求貨殖懋遷俗淪於
品窳果賴刃地出按簡書揚惻怛之深仁決攘爭之
健訟奉違仙闥卽舉詔條一成允極於盡心五月旋
聞於報政以至星罕弛籥霜隼霽威文無推案之功
飾絕投書之訴民懷格耻罷惡少之探丸吏黜舞文
鞠圓扉之茂草坐清周犴欽輔禹孜弼成議緩之功
實賴神明之化頃者邊氓人保遐障驚師密連篁竹
之酋潛議萑蒲之聚怙茲綿力屢擾齊民乃至虎節

會軍牙璋置守出奇謀於堂上視醜虜於目中尙笑
餘妖敢稽天討而復親承深詔躬督銳師按炎櫟之
舊封塞壺頭之險道戈舡狎至雀軸相望羊祜輕裘
不廢總戎之事馮唐尺籍雅更持節之勞搴旗未暇
於窮追具沐已聞於相弔收鼓銅於駱越浮寶無遺
駕灰乘於零陵前茅載肅克震梟牙之銳式封鯨觀
之誅七旬咸格於苗民五刃竝囊於師節集成茂伐
皆屬全謀果膺進律之恩特舉疇庸之典銘功隆碣
方震於天聲列象哀烏再光於郎位便合速揚上笏
不迪清衷豫密勿之鴻樞注凝巖之景眇出參法從

陪翠帽之宸遊入直周廬佩紫荷之仙橐然後賡奚
作頌佐稷陳謨克揚英茂之文欽奉都兪之對永言
茂躅方啟亨衢敢因慕義之辰罄敘由衷之懇切念
某材非楚有士愧燕奇偶游泳於太和遂寢尋於秀
業青衿學校幼參方領之游黃卷聖賢長豫冠章之
列猥屬書同之運不忘時術之功外愧育材中疲燥
吻轅生抗辯遐逃城旦之書巖幹談經終謝太官之
傳勵精雖切底滯居多加以扣寂寞襟希光俊域漱
九流之芳潤攀三代之黉英得於縹緲之餘致在緹
油之末問劉棻之奇字靡憚咨詢持丁廩之小文方

求潤飾十日敢矜於恃氣三年偶遂於變儒不意天
難匪謫靈根夙殞陽橋陰梓永悼於清暉遠壑隆墀
再充於浩歎憤自身而莫贖濱九死以奚追驟厯炎
涼偶存食息撫心自惋非游吉之元宗投袂失圖僅
馮生之齋志矧今翹英命秀跡弛興廉遙多士於金
華濬洪源於璧水場駒交紲邱帛旅馳雖天網大該
盡收於絕足而義車停午莫照於幽盆蓋舛運之所
纏致青雲而坐隔播精寡効空謝於支離列地無成
自傷於泝泝載念道將時背才與願違采榮而瑜未
掩瑕務進而尋將枉尺執中黃之賤虎志極固窮貫

梁甫之枯魚感深遐慨顧惟蹇薄深懼淪胥此者幸
遇某官恢誕素功鎮寧雅俗敷文華而飾吏用敦厚
以變風比闕里之訓人不忘吾黨類何侯之按部先
見諸生某是敢望履祈通游藩俟進示壺邱之天壤
雖有悸心宗郭泰之龜龍寧忘素志儻或俯矜叢品
許覲令儀念完士之一言采詩人之下體陽秋借譽
俾陳蔡之及門月旦口評許老韓而同傳稍遂蒙亨
之志誓銘征吉之恩過此以還未知攸措
六代同呂相公
顯膺朝冊入冠台司定命前頒至公胥慶恭以某官

稟天正氣蹈道至和親逢聖真翊贊皇極九德咸事
六府交修亟辭衡鉉之崇迭倚翰垣之重辰階有於
公袞實歸建三人以調元固萬樞而思父讓誠雖確
褻制終行卽鷗閣之便辰煥槐庭之盛禮良哉嗣唱
具爾均瞻尙敦禮於朝風且移書於宰屬永言下綬
方庇洪鈞慶論道之云初佩敷言之彌縟欣悰感緒
并猥于茲

回宮師呂相公

荐拜囊封懇歸藩政安車得請懋冊延褒志遁成功
誼光逸老伏惟某官行爲民表器適時中慙事三朝